

SCRIPT OF EVENING GOJRI NEWS BULLETIN 7 APRIL 2025

1700HRS

اوننگ گوجری نیوز بولٹین 7 اپریل 2025

یوہ آکاشوانی جموں بے عبدالرحمان تے نصرت تیں خبر سنو۔

HEADLINES

۱۔ مرکزی وزیر داخلہ امت شاہ نے کٹھوعہ ضلع مانہ بین الاقوامی سرحد غے نال اگلی چوکیاں غو دورو کیو بے۔

۲۔ جموں کشمیر قانون ساز اسمبلی مانہ وقف قانون ور احتجاج اجلاس دن بھر واسطے ملتوی رہیو۔

۳۔ لیفٹیننٹ گورنر منوج سنہا نے اسمبلی تیں منظور شدہ ترے بلاں نانہ منظور دی تے۔

۴۔ حفاظتی دستاں نے کپواڑہ ضلع غا کنڈی جنگلاتی علاقہ مانہ تلاشی نشست و نابود آپریشن غے دوران بڑی مقدار مانہ جنگی سازو سامان برآمد کیو بے۔

HM BORDER VISIT

مرکزی وزیر داخلہ امت شاہ جہیڑا اس وقت جموں کشمیر غا ترے روزہ دورہ ور ہیں اج کٹھوعہ ضلع مانہ بھارت تے پاکستان غی سرحد ور سرحدی حفاظتی دستاں غی اگلی چوکی ور پُجیا جت گزشتہ ۲ ہفتاں تیں پاکستان دہشت گرداں غے خلاف بڑی مہم جاری بے۔ آکاشوانی جموں گا نمائندہ غے مطابق جناب امت شاہ دوپہر غے وقت ہیلیکپٹر غے ذریعے جموں تیں بیرانگر پُجیا تے بعد مانہ بی ایس ایف غی چوکی ونے ور گیا۔ تانجے زمینی حالات غو جانیزو لے سکیں انہاں نے اُت جواناں تیں خطاب کرتا واں اس طرح کہیو۔ اس موقع ور لیفٹیننٹ گورنر منوج سنہا وزیر مملکت ڈاکٹر جتندر سنگھ داخلہ سیکرٹری گووند ماہن خوفیہ ادارہ غا ٹپن دیکا بیایس غا غا ڈائریکٹر جنرل دلجیت سنگ چودھری پولیس غا ڈائریکٹر جنرل نلین پرہات تے دیگر اعلیٰ افسران وی اُن غے ہمراہ موجود تھا۔ بعد مانہ کٹھوعہ تیں واپسی ور امت چاہ نے جموں غا راج بھون مانہ اُن پولیس اہلکاراں غا خانداناں تیں ملاقات کی جہیڑا فرض غی ادانگی غے دوران شہید ہوا۔ انہاں نے ان وچوں کُجھ نانہ ملازمت غا تقرری خطوط وی دتا۔

ASSEMBLY ADJOURNED

جموں کشمیر اسمبلی مانہ ہاج اسویلے مزیدی تے قوم پرستانہ تعراں غے سنگ ہنگامو برپا ہو گیو جد سپیکر نے نیشنل کانفرنس غی طرفوں پیش کردی تحریک التوا نانہ مسترد کردتو یاہ تحریک وقف ترمیمی قانون ور بجٹ کردہ تحریک وقف ترمیمی قانون ور بحث واسطے دتی گئی تھی لیکن سپیکر نے کہیو جیوہ معاملو عدالت مانہ زیر سماعت بے اسمبلی مانہ شور شرانہ غے بیچ اجلاس ۲ بار ملتوی کیو گیو تانجے دوبارہ کارروائی شروع کی جاسکے مگر ہر بار دوبارہ ہنگامو دیکھن مانہ لبو۔ تیجی بار سپیکر عبدالرحیم راتھر نے اجلاس پورہ دن واسطے ملتوی کردتو ایوان مانہ اس وقت ہنگامو برپا ہو گیو جد عبدالرحیم راتھر نے نیشنل کانفرنس غا نظیر گریزی غی تنویر صادق غی طرفوں پیش کی گئی تحریک نانہ مسترد کردتو جس مانہ وقف قانون ور بحث واسطے سوالات ملتوی کرن غو مطالبو کیو گیو تھو یاہ تحریک ۹ ممبران غی طرفوں سپیکر نانہ دتی گئی تھی جن غو تعلق نیشنل کانفرنس

کانگریس نے آزاد امیدواران سنگ تھو ایوان غ الیڈر بی جے پی غا سُنیل شرما نے اس تحریک غی شدید مخالفت کی جس غا نتیجہ ایوان مانہ شور غل برپا ہو گیو نانیب وزیر اعلیٰ سریندر چوہدری نے مطالبو کیو جے ممبران نانہ اس معاملہ ور اپنی رائے پیش کرن غی اجازت دتی جے۔

LG ASSENT BILLS

جموں کشمیر قانون ساز اسمبلی غا سیکرٹری منوج کمار پنڈت نے ایوان نانہ دسیو کہ اسمبلی مانہ منظور شدہ ترے بلاں نانہ لیفٹیننٹ گورنر نے ۵۲ مارچ ۲۰۲۲ نانہ منظوری دے دتی تھی۔ آکاشوانی جموں غا نمائندہ غے مطابق ان بلاں مانہ شامل ہے۔ قانون ساز بل نمبر ۱ جموں کشمیر اشیاء تے خدمات ٹیکس ترمیمی بل ۲۰۲۲ قانون ساز بل نمبر ۲، جموں کشمیر مالی منظوری بل ۲۰۲۲ تے قانون ساز بل نمبر ترے، جموں کشمیر مالی منظوری بل ۲۰۲۲۔

POONCH DRUGS AWARENESS

صحت غو عالمی تہاڑ ۱ غا موقع ور پونچھ مانہ بھارتی فوج نے این سی سی تے این ایس ایس یونٹس غا تعاون تیں گورنمنٹ ڈگری کالج پونچھ مانہ ایک آگاہی پروگرام غو انعقاد کیو۔ اس پروگرام غو موضوع تھو منشیات غی بدت مارا معاشرہ غو پوشیدہ خطرو پروگرام مانہ منشیات غے خلاف مختلف موضوعات ور گفتگو تے ماہرین غے نال گل بات شامل تھیں۔ ذہنی صحت غا ماہرین سماجی کارکنان نے نوجوانان تیں خطاب کرتا واں کہیو کہ منشیات غو جسمانی ذہنی تے سماجی نقصانات ور روشنی کہلی۔ معروف وکیل بانو پرتاپ نے اپنا خطاب مانہ کہیو کہ منشیات صرف جسم نہ ہی نہیں بلکہ ذہن غے نل شخصیت نانہ وی متاثر کرے۔ آکاشوانی غا خبراں آلہ شعبہ سنگ گل کرتا واں انہاں نے اس طرح کہیو۔

ARMS RECOVERED

کپواڑہ پولیس نے ایک اہم پیش رفت مانہ فوج غی ۷۴ آر آر سنگ مل غے نشت نابول اپریشن یعنی ایس اے ڈی او غے دوران کپواڑہ ضلع غا کنڈی جنگلاتی علاقہ تیں بڑی مقدار مانہ جنگی سازو سامان برآمد کیو ہے برآمد شدہ اشیاء مانہ ۱ مشینگن ۷ دستی بمب ۰۹ گولی ایک چینی ساخت دور بین ۲ شمسی موبائل چارجر غے علاوہ کپڑہ بشمول سلپینگ بیگ غیر ملکی ساختہ وپاکستان مانہ تیار کردہ ادویات غی بڑی مقدار شامل ہے۔ اس سلسلہ مانہ قانون غے مطابق ایف آئی آر درج کرلی گئی ہے تے تحقیقات شروع کردتی گئی ہے۔ اواں کپواڑہ مانہ پولیس نے ۲ مشتبہ افراد نانہ گرفتار کرغے ایک تخریبی کاروانی نانہ ناکام بنا دتو ہے۔ پولیس ترجمان نے ایک بیان مانہ دسیو ہے جے ابتدائی تفتیش غے دوران متشبہ افراد نے اپنی شناخت امتیاز احمد نجاد ولد غلام حسین نجاد تے منیر احمد شیخ ولد غلام محی الدین شیخ غا طور ور کروائی۔ ان دواں واقعات بارے معلومات دیتا واں ایس ایس پی کپواڑہ غلام جیلانی وانی نے اس طرح کہیو۔

NCORD

ڈپٹی کمشنر پونچھ وکاس کُنڈل نے اج منشیات تیں متعلق رابطہ مرکز غ اضلعی اجلاس غی صادرت کی جس مانہ منشیات تیں متعلق مسائل ور قابو پاں واسطے حکمت عملیاں غو جائیزو لیو گیو تے اُن مانہ بہتری ور زور دتو گیو۔ اجلاس غے دوران ڈی سی پونچھ نے

منشیات تیں پاک زندگی واسطے پورا معاشرہ مانہ شعور بیدار کرن غی ضرورت ور زور
کھلیوڈی سی نے قانون نافذ کرن آلاں اداراں نانہ ہدایت دتی کہ عوامی مقامات ور اچانک
جانچ نانہ بدھاویں۔ انہاں نے منشیات مانہ ملوث افراد غے خلاف فوری تے سخت کاروائی
کی ہدایت کی تے کہیو کہ منشیات فروش نانہ روکن واسطے صفر برداشت پالیسی اپنانو بہت
ضروری ہے۔

DODA CRICKET

ڈوڈہ غا تھالیلا گراں مانہ ۵۲ اسام رائفل غے زیر اہتمام تھیلیلا سوپر لیگ کرکٹ مقابلہ
جوش و خروش سنگ اختتام پزیر ہوو۔ اختتامی تقریب مانہ ۹ سیکٹر غ ابرگیڈیر سونیل مشرا
نے شرکت کی جتن آلی ٹیم نانہ اعزاز تیں نوازیو تے نوجواناں نانہ منشیات تیں دور رہن
غی تلقین کی۔ مقامی لوکاں نے ۵۲ راشٹریہ رائفل غی اس پہل نانہ شہرایو کھیڈاری کویتا
منہاس نے کہیو کہ یوہ صرف ایک کرکٹ مقابلو نہیں بلکہ نوجواناں نانہ نوی سمت دین غی
ایک سنجیدہ کوشش تھی۔ کویتا منہاس نے اس طرح کہیول اس موقع ور ۹ سیکٹر غا برگیڈر
سونیل مشرا نے اس طرح کہیو۔

KISHTWAR HEALTH DAY

گورنمنٹ ڈگری کالج کشتواڑ غی این سی سی سننیر ونگ یونٹ نے اج جوش و خروش تے عزم
غے نال صحت گو قومی تہاڑو منایو یوہ پروگرام آسام رائفل غا اشتراک تیں منعقد کیو گیو
جس غو مقصد اج غی تیز رفتار زندگی مانہ صحت تندرستی غی اہمیت نانہ آجاگر کرنو
تھو۔ تقریباً ۱۰۲ طلبہ نے این سی سی کیڈٹ غے نال مل غے اس پروگرام مانہ بھرپور شرکت
کی، جنہاں نے آگاہی سرگرمی تے صحت تیں متعلق گل بات مانہ حصو لیو۔ اس موقع ور
گورنمنٹ ڈگری کالج کشتواڑ گا پرنسپل پروفیسر بشارت اقبال نے این سی سی ایس ڈبلیو یونٹ
غی کاوشاں نانہ سہرایو نالے کالج تے آسام رائفل غے درمیان بہترین ہم آہنگی غی تعریف
کی۔
